

SUID-AFRIKAANSE RADIOLIGA NUUS VIR SONDAG 18 APRIL 2021

Goeie môre en welkom by die weeklikse nuus uitsending van die Suid-Afrikaanse Radioliga, gelees deur _____ (jou naam, roepsein en QTH)

Die Suid-Afrikaanse Radioliga saai elke Sondag nuus bulletins in Afrikaans sowel as Engels om 08:15 en 08:30 Sentraal Afrika Tyd onderskeidelik uit op HF sowel as op verskeie BHF- en UHF-herhalers. Hierdie uitsendings word ook via Echolink herlei deur Johan, ZS6JPL. Die oudio bulletins kan afgelaai word vanaf die Liga webwerf by www.sarl.org.za, terwyl die teks bulletins by <https://sarlnewsbulletin.wordpress.com/> afgelaai kan word. Om by die Mailchimp bulletin e-poslys aan te sluit, stuur 'n e-pos aan die SARL Sekretaris.

In die nuus vandag:

DIE SARL WARD QSO PARTYTJIE EN DIE ZS4 NAELLOOP VANDAG

DIE SARL-VIRTUELE AJV 2021 GISTER GEHOU

en

YOTA AANLYN OP DONDERDAG 29 APRIL

Bly ingeskakel vir meer inligting oor hierdie en ander interessante nuus items.

Ons begin die bulletin met nuus oor drie stille sleutels.

Dit is met leedwese dat ons aankondig dat die sleutel van Leon Nel ZS5QY in Maart stil geword het na Covid verwante probleme. Ons betuig ons innige meegevoel met sy familie en vriende.

Dit is met leedwese dat ons aankondig dat die sleutel van Badie Badenhorst, ZS4PA van Harrismith, op Sondag 11 April 2021 stil geword het. Badie was sedert die 1960s 'n lid van die SARL en het graag met mede radio amateurs wat op die N3 verby Harrismith gery het. Ons betuig ons innige meegevoel met sy seun Frans, ZS4FH / ZS6ZR, familie en baie vriende.

Dit is met leedwese dat ons aankondig dat die sleutel van Frank Kriel, ZS1QRM, op Donderdag 15 April 2021 stil geword het. Frank het op 1 April 2021 70 geword. Ons betuig ons innige meegevoel met sy vrou Gwen, familie en vriende.

POUSE

Jy luister na nuus uitsending van die Suid-Afrikaanse Radioliga

DIE SARL WARD QSO PARTYTJIE EN DIE ZS4 NAELLOOP VANDAG

Die SARL WARD QSO Partytjie word gehou van 06:00 tot 18:00 UTC op 18 April met aktiwiteite op alle amateur bande en modusse. Dien jou logstaat in MS Word of Excel in nie later as 23:59 SAT op Dinsdag 20 April na secretary@sarl.org.za vir jou 2021 WARD Sertifikaat. Lees SARL Nuus vir 11 April vir die puntetelling.

Die ZS4 Naelloop word in twee sessies op 40 meter gehou met ESB-aktiwiteit van 14:00 tot 15:00 UTC en GG-aktiwiteit van 15:00 tot 16:00 UTC vanmiddag. Die uitruiling is RS(T) verslag en jou provinsiale of landsafkorting. Stuur jou logstaat in teen 23:59 SAT op Vrydag 23 April 2021 per e-pos aan zs4srk@gmail.com. Blaai na bladsy 77 van die 2021 Blouboek vir die reëls.

ELEKTRONIESE STEMMERY VIR DIE SARL FJS SLUIT OP 22 APRIL

Die Elektroniese Stemmerie vir die SARL Finansiële Jaarstate vir die jaar geëindig 30 Junie 2020 sal om 23:59 SAT op Donderdag 22 April sluit en nie op Woensdag 21 April soos verlede week in SARL Nuus berig nie. Gaan na die openbare stem bladsy <http://www.sarl.org.za/Web3/ElectronicVoting/Default.aspx> om jou stem uit te bring. Volg die instruksies op die stem bladsy.

DIE SARL-VIRTUELE AJV 2021 GISTER GEHOU

Die 2021 SARL Virtuele Algemene Jaarvergadering het om 10:00 SAT begin op die Bluejeans-platform met Nico, ZS6QL, die SARL-president wat al die afgevaardigdes verwelkom. Ongeveer 168 lede het die AJV bygewoon, hetsy deur op die aanlyn-platform aan te meld of 'n gevolmagtigde stem in te dien. Nico het sy verslag aan die vergadering voorgelê, wat in die 2021-jaarverslag gevind kan word. Chris, ZS6GM het die Finansiële verslag aangebied soos aangedui in die AJV-boekie. Noel, ZR6DX het gepraat oor die OKOSA-lisensiëringstelsel en Hans, ZS6AKV het gepraat oor die Tipe Goedkeurings regulasie. Die twee mosies is aan die vergadering voorgelê en bespreek. Die stemmerie oor hierdie mosies sowel as die finansiële mosies begin om 00:01 SAT op Saterdag 24 April en sluit om 23:59 SAT op Maandag 3 Mei 2021. 'n SARL Kommunikasie sal gedurende hierdie week uit gestuur word met meer besonderhede.

Jy luister na nuus uitsending van die Suid-Afrikaanse Radioliga

YOTA AANLYN 29 APRIL 2021

Die volgende Jeug op die Lug (YOTA) Aanlyn vind vanaf 18:00 UTC (20:00 SAT) op Donderdag 29 April plaas. YOTA sê: "In hierdie nuutste aflewering sal die span die hoofonderwerp 'Die einde ... maar 'n nuwe begin' aanbied!" Hierdie keer gee ons u 'n bietjie insig oor ons onlangse YOTA Online-sessies, gesels oor ons toekoms met hierdie en ander komende projekte. Verder sal ons fokus op die voortdurende problematiek van pandemie en die moontlikhede daarvan. Verder sal ons fokus op die voortdurende problematiek van pandemie en die moontlikhede daarvan.

KOMPETISIE NUUS

Die Kompetisie komitee het 15 logstate ontvang vir die SARL 80 m QSO Partytjie wat op Donderdag 1 April gehou is. Daar is vasgestel dat ongeveer 63 radio amateurs in die kompetisie periode aktief was.

1ste Jan, ZS4JAN - 535 punte

2de Johann, ZS4DZ - 480 punte

3de Hans, ZS6KR - 450 punte

Baie dankie aan al die deelnemers, die volledige uitslae sal in HF Happenings 935 gepubliseer word. Die tweede been vind op Donderdag 7 Oktober plaas.

Die tweede been van die SARL 40 m Ruitvierkant Klub Naelloop is vanaf 12:00 tot 13:00 UTC (14:00 tot 15: SAT) op Dinsdag 27 April op die lug met GG en foon aktiwiteit. Die uitruiling is 'n realistiese RS- of RST verslag, die naam van jou Klub en jou ruitvierkant. Die QSY-reël is van toepassing. Al die inligting is op bladsy 65 van die 2021 Blouboek.

Die ZS Parke op die Lug Aktiwiteit is 'n prettige geleentheid om radio amateurs aan te moedig om aan die Parke op die Lug (POTA) program deel te neem. Die aktiwiteit is oop vir alle radioamateurs en dit is nie 'n kompetisie nie. Jy moet 10 QSOs maak om 'n park te aktiveer. Die uitruiling is 'n RS, RST of RSQ verslag en die POTA / WWFF-verwysing. Jy sal 'n lys van Suider-Afrikaanse Parke by <https://zsfaunaandflora.wordpress.com/> vind, sorg dat die park wat jy wil aktiveer op die lys is. Meer inligting op bladsy 106 van die 2021 Blouboek.

Die Herfs ZS SOTA Aktiwiteitsdag is op die lug vanaf 22:00 UTC 30 April tot 21:59 UTC op Saterdag 1 Mei 2021 of 00:00 tot 23:59 SAT op 1 Mei. Dit is 'n prettige geleentheid om radio amateurs aan te moedig om aan die Pieke op die Lug (SOTA) program deel te neem. Die Aktiwiteitsdag is oop vir alle radio amateurs. Blaai na bladsy 104 van die Blouboek vir al die besonderhede.

Die AWA Buis QSO Partytjie is op die lug van 13:00 tot 17:00 UTC (15:00 tot 19:00 SAT) op Saterdag 1 Mei en Sondag 2 Mei. Die AM QSO Partytjie is op Saterdag en die ESB QSO Partytjie is op Sondag met aktiwiteite op 40 en 80 m. Jy vind al die reëls op bladsy 100 van die Blouboek.

HF VOORTPLANTINGSVOORSPELLING

Hannes Coetzee, ZS6BZP, berig dat die verwagte sonaktiwiteitsvlak laag gaan wees. Tans is slegs 'n enkele sonvlek sigbaar. Daar is 'n moontlikheid van geringe sonfakkelaktiwiteit. Diegene wat hulle eie frekwensievoorspellings wil doen, kan 'n verwagte effektiewe sonvlektelling van een vir die week gebruik. Radio amateurs kan veral laatmiddag goeie DX openinge op die 10 tot 30 m bande verwag. Besoek gerus die webtuiste spaceweather.sansa.org.za vir meer inligting.

Nou die Dagboek van Gebeure vir die volgende paar weke:

Vandag – Wêreld Amateur Radio Dag, die SARL WARD QSO Partytjie en die ZS4 Naelloop

22 April - Stemmerie vir die SARL Finansiële Jaarstate sluit

23 April – Registrasie vir Mei RAE sluit en die provinsiale skole sluit, begin van die ZS POTA aktiwiteit.

24 April - Internasionale Marconi Dag en die opening van die stemmerie vir die AJV-mosies

27 April - Vryheidsdag en die SARL 40 m Ruitvierkant Naelloop

1 Mei - Werkersdag, die Herfs ZS-SOTA Aktiwiteitsdag en die ADV Buis AM QSO-partytjie

2 Mei - die ADV Buis ESB QSO-partytjie en die sluiting van die ZS POTA aktiwiteit

3 Mei - Provinsiale skole open en die stemmery vir die AJV-mosies sluit

8 en 9 Mei - die SARL BHF/UHF digitale kompetisie

9 Mei - Moedersdag

12 Mei - die Vroeë Oggend Koffie Naelloop

Om die bulletin mee af te sluit, 'n opsomming van ons hoof berig:

Die SARL WARD QSO Partytjie word gehou van 06:00 tot 18:00 UTC op 18 April met aktiwiteite op alle amateur bande en modusse. Die ZS4 Naelloop word in twee sessies op 40 meter gehou met ESB-aktiwiteit van 14:00 tot 15:00 UTC en GG-aktiwiteit van 15:00 tot 16:00 UTC vanmiddag.

Dit bring ons aan die einde van hierdie bulletin.

Die Suid-Afrikaanse Radioliga se nuus diens nooi klubs en individue uit om nuus brokkies van belang vir radio amateurs en kortgolf luisteraars in te dien. Plaas nuus berigte indien moontlik, in beide Engels en Afrikaans op die Suid-Afrikaanse Radioliga webtuiste onder die 'news inbox' skakel nie later as die Donderdag wat die bulletin datum vooraf gaan nie.

Luister elke Sondag oggend om 10:00 Sentraal Afrika Tyd na "Amateur Radio Today." Daar is herleiding op 7 082 kHz laer syband deur Louis, ZS5LP en verskeie herleidings op BHF en UHF frekwensies regoor Suid-Afrika. 'n Heruitsending aangebied deur Andy ZS6ADY vind op Maandae aande om 19:30 Sentraal Afrika Tyd op 3 620 kHz plaas.

Ons ontvang graag jou sein rapporte, kommentaar en voorstelle, stuur 'n e-pos aan artoday@sarl.org.za.

Jy het geluister na 'n nuus uitsending van die Suid-Afrikaanse Radioliga, saam gestel deur Dennis Green, ZS4BS, geredigeer deur Johan de Bruyn, ZS6JHB en gelees deur

Van die nuus span, die beste wense vir die week vorentoe.